

暴走黄埔村 小渔村 古港情

特种兵式“串村”①



漫游古港

想快啲了解古港历史,首先就要去粤海第一纪念馆走一转。纪念馆收藏咗记录古港历史的各种文献,以及古港商业鼎盛时期进出口贸易流通商品,用仿真蜡人还原当时经济繁盛景象,迷你嘅沙盘还原古港旧时风貌,引人入胜。每个展示厅都设有小小趣味互动摊位,例如古章拓印、传统的大算盘,大人细路都咁玩。纪念馆之外,游走黄埔村,还可以见到旧时码头的遗址、地标碑文,配合码头上模拟的商船,可以感受到古港风韵,影相打卡别有风味。麻石板路,密集低矮居民楼,仲有水边乘凉老人,都在叫我哋放慢脚步,感受古村里的悠闲散漫。

黄埔古港,见证了海上丝绸之路的繁华,有“粤海第一关”之称,停靠过哥德堡号、中国皇后号。虽然千帆林立的壮观情景不再,经过近几年的翻新,黄埔古港依然保留咗历史的韵味,质朴传统的生活氛围,等我哋一起穿街过巷,体验这里的风土人情啦。

郭玮/文 何崇仪/图



渔家美食

黄埔古港边海傍街,汇集咗好多美食,都係从渔民日常饮食菜单中发展出嚟嘅,最出名的老店要数“猫记”,出咗名实惠,所以一定要去打卡。多料够味嘅艇仔粥、脆口过瘾炸云吞、惹味酸萝卜搭爽口凉拌鱼皮、仲有必点嘅糯糯萝卜煎饼……款款美食都令人垂涎。煎饼送粥,碳水爆炸超满足,一啖云吞一啖鱼皮,冷热错峰够过瘾。最好玩嘅,服务员阿姨係按碟收费,埋单时佢要过碟数碟,传统嘅嘢就係咁有人情味。饭后甜品,我哋要去奶婆食个甜到漏嘅糖水。一定要有现场撞嘅姜撞奶,服务员帮你将滚烫嘅牛奶撞入鲜榨姜汁之后,唔好心急,要等够时间先食,否则奶液凝固唔到,就会少咗香滑细腻嘅口感。周街都有卖嘅咸酸,好适合开胃消滞,试完一轮初脆木瓜、爽甜萝卜,好似又可以继续觅食啦!

打包土产

食唔晒的美食,可以带啲走嘅!除咗必buy嘅鸡仔饼、花生糖之外,嘅古港口嘅市集上,仲会有唔少村民摆摊叫卖自家土产。自家嘅新鲜水果、天生天养嘅野菜草药、手工编织篮子……虽然样子唔一定好靚仔,但真系花臣多多,应有尽有。你一行埋去,档主就好热情咁同你介绍,教你呢味好野有咩好处,要点煮先好食。仲有啲几蚊嘅吹波水,可以玩下梦幻泡影,俾晒机会你回味童年。



电鸡游长洲 穿越历史 离岛放飞

特种兵式“串村”②

到咗周末假期,都市打工人都想逃离闹市。周末就坐上渡轮,去安静长洲岛啦,入少够自在,自然风光仲可以减压舒心,探秘传统古村嘅历史故事都几有意思嘅!岛上有成三条村,我哋一于坐上电鸡游车河,放飞下自我。

郭玮/文 何崇仪/图



两种风情交错

而我哋依家见到的长洲岛,更多是宁静村落的风貌。新颖有趣涂鸦,用现代嘅笔触彩绘着历史故事,打卡留影可以人画合一。新洲码头嘅多彩现代样式,长洲码头则诠释了生动的传统样式,挑高设计嘅牌坊好有气势,顶部有经典神话“八仙过海”嘅人物形象。上岛之后,撞住“电鸡”穿梭于街街巷巷,有商业但不多,望静如镜嘅小塘偶尔有小鱼跃起,听小道邻居互道家常寒暄,而一直挂住嘅大红灯笼话你知,呢度过节嘅时候一样好热闹。新旧两种风情,这里都有。



美味“青春回忆”

出来放飞自我,当然不能放过岛上美食。岛上最老字号嘅煲仔饭,一定要去试一试!据闻这家煲仔饭店主就是长洲人,一开咗十几年,已经是唔少学生仔嘅“青春回忆”。猪肝拼烧腊、排骨拼牛肉、烧腊拼猪杂、鱼肉拼叉烧……呢度嘅煲仔饭款式多但又够经典,用料实在火候够,饭粒软硬适中,肉汁会渗入晒饭入面,趁热撒啲鲜葱粒,蒸汽一下子就逼出葱香,啖啖都滋味无穷。食完正餐,用古法制豆浆、石磨豆腐花甜品收尾,既传统又够健康。Crossover嘅豆浆雪糕有啲新意思,绵软细腻仲有浓浓豆香,搭配爆浆豆腐一起食,冰火两重天兼咸甜混合,滋味劲有趣。

